

Universitätsbibliothek Paderborn

Ioannis S. R. E. Cardinalis Bona Opera Omnia

Tribus Tomis comprehensa

De Divina Psalmodia, Ejusque Causis, Mysteriis, Et Disciplinis, deque variis
Ritibus omnium Ecclesiarum in psallendis Divinis Officiis, Tractatus,
Historicvs, Symbolicvs, Asceticvs. Sive Psallentis Ecclesiae Harmonia -
Opus novum, & curiosum, ac multiplici eruditione illustratum ... Operum ...

Bona, Giovanni

Parisiis, 1678

§. 2. Hora unde dicta. Figmenta Poëtarum de Horis. De usu horologiorum
apud veteres. Horae olim nunciatae à servis. Verus dies Christus est.

urn:nbn:de:hbz:466:1-9929

Teque Quirine pater veneror, Horamque Quirint.

§. II.

*Hora unde dicta. Figmenta Poëtarum de Horis.
De usu Horologiorum apud veteres. Horæ
olim nunciatæ à servis. Verus dies Christus
est.*

I. **S**unt qui horas à Sole dictas putent, Ägyptij enim, ut dixi, solem Horum vocabant. Alij à luce, quæ Hebraicè הָר Hor vocatur, horas quasi lucis partes denominant. Quidam malunt ἡμέραν ὥραν, quod terminum significat, deduci: sive ab ὥριζειν, quod est terminare, dividere, diffinire. Porro de Horis multa suo more fabulantur Poëtæ. Fingit (*a*) Ovidius Horas pueras esse, quæ Soli ministrent, easque (*b*) Homerus cœli janitrices facit, quia tempora moderantur, è cœli solisque motu pendentia. Chrysippus apud (*c*) Senecam ait Horas Gratiarum sorores esse, sed natu majores. Nascenti Auroræ inservire Horas, canit (*d*) Smyrnæus in Paralipomenis. Easdem futurorum nuncias esse, Bacchum coronasse, & cœli phalanges adversus Typhæum armasse tradit (*e*) Nonnus in Dionysiakis. Item Horas dedisse ubera Serenæ uxori Stiliconis, fabulatur Claudianus in ejus Panegyrico. Apud (*f*) Apuleium in nuptijs Psyches Horæ ministrabant. Rursum (*g*) Homerus in hymnis Horas vocat sapientes, Soli assistentes, & quæ natam è mari Venerem suscepient, & ornarint. Orpheus elegantissimum de Horis hymnum conscripsit, castas easdem appellans, floribus abundantes omnis coloris, multi odoris, semper virentes, circu-

a Ovid. lib. 2. met. *b* Hom. Iiad. 8 v. 393. *c* id. II. 5. v. 750. *c* Senec. de benef. lib. 1. cap. 3. *d* Coint. Smyrn. I. 1. Paralip. v. 48. *e* Non. Dionys. I. 1. v. 224. & initio lib. 9. *f* Apul. lib. 6. ubi quædam Philippus Beroaldus. *g* Hom. hymn. in Apoll. v. 194. & hy. 2. in Venerem.

Iares, suaves, faces habentes, vestibus roscidis indutas, cœlis terrisque gratificantes, & inculpatas. Panyasis Poëta apud (h) Athenæum primam in mensa portionem Gratiis, Horis, & Baccho tribuebat: atque ibidem commemorat Athenæus in Horarum facello aram Dionysio eretam, quod Horæ fructus vitis nutriant, & ad maturitatem perducant. (i) Hesiodus in Theogonia dicit Horas Themidis filias esse, & maturitatis auctrices. Ut enim notat Suidas, illud temporis punctum significat hora, quo res matura, & perfecta est. Ita passim in Evangelio, (k) Nondum venit hora mea: & sciens Iesus, quia venit hora ejus. (l) Theocritus horas tardissimas nuncupat, caras tamen, & exoptatas, semper aliquid novi ferentes hominibus. (m) Philostratus in Iconibus horarum imaginem graphicè pingit hoc modo. Horæ corporea specie in terram profectæ manus contingentes annum volunt, & tellus sapiens existens bellè cum ipsis fert annua omnia: sublatum autem brachium, comèque demissæ libertas, fervensque præ cursu gena, & una salientes oculi, fabulari fortasse aliquid super pictore permittunt. Horas autem intelligit quatuor anni tempora, de quibus in Cosmurgia sic (n) Georgius Pisides concinit:

*Hæc vicibus alternis, cursu anno,
Instar puellarum choros agitantum;
Digitosque conseruentum inter se suos,
Vita decoræ ut choream agant pulcherrimam.*

Apud Pausaniam in Atticis Horæ in Jovis capite insident, nam ejus nutu temporum vices decurrunt. Olen Poëta apud eundem in Corinthiacis ab Horis educatam Junonem scriptum reliquit. Horas quatuor, & Vesperis imaginem in pompa Ptolomæi Philadelphi describit Athenæus libro quinto ~~δειπνοσοφιῶν~~. Ipsis Horis diuinoshonores habitos ab Atheniensibus, narrat itefum

h Athenæus initio lib. 2. dipnosoph. *i* Hesiod. Theog. v. 900. *k* Ioan. 2. 4.
Ibid. 13. 1. *l* Theocrit. Idyll. 15. v. 104. *m* Philost. in Icon in fine lib. 2.
n Georg. Piæd. Cosmurg. v. 282.

(*v*) Pausanias, unamque vocat Carpon, alteram Thal-
loten: tertiae nomen non dixit. (*p*) Phornutus libro
de natura Deorum, Ab Horis, inquit, omnia bona,
quæ nobis adsunt, custodiuntur, & servantur. Una
Eunomie dicitur ob æquam rerum distributionem: al-
tera Dice, id est justitia, quod jure contendentium li-
tes dirimat: tertia Irene, id est Pax, quasi ratione,
& non armis lites consopiat. Alia Horarum nomina
(*q*) Hyginus, & ex eo Lilius (*r*), Gyraldus recensent.
Nunc communiter accipitur hora pro his spatiis, in
quæ dies dividitur. Ante Palamedem nec horas, nec
horologia fuisse Philostratus in Heroicis commemorat;
Cæterum Claudius (*s*) Salmasius in Plinianis exercita-
tionibus prolixa & odiosa disputatione conatur ostende-
re nullum apud veteres Horologij usum, nec diem in
horas tributum ante Magni Alexandri tempora fuisse.
Confutat ejus conjecturas doctissimus vir Dionysius (*t*)
Petavius in Auctario operis omni laude dignissimi de
doctrina temporum, monstratque florente Græcia di-
visionem diei in horas communiter adhibitam. Hanc ad
Græcos ab Ægyptijs manasse, scribit Herodotus in Eu-
terpe.

II. Illa tamen fractio dierum in 12. partes non statim
horarum nomine processit, sed aut partium, aut signo-
rum, ut Iulius (*u*) Pollux refert ex Menandro. Conges-
sit Plinianus exercitator quæcunque de horis, & Horo-
logiis apud priscos Scriptores reperiuntur. Ipsum legat,
qui hæc fusius scire, ejusque loquacitate patientiam
exercere desiderat. Scioterici Horologij primus inven-
tor in Græcia celebratur à (*x*) Plinio Anaximenes Mi-
lesius: sed Laërtius, & Suidas Anaximandro ejus præ-
ceptor hanc inventionem tribuunt. His tamen antiquior ducentis ferè annis fuit Achaz Rex Judæorum,

^o Pausan. in Bœoticis. ^p Phorn. de natura deor. cap. 29. ^q Hyg. in fabul. 18. ^r Gyal. de diis gent. synt. 13. ^s Claud. Salmasius in Plin. exercit. pag. 632. usque ad 6, 8. ^t Petav. lib. 7. variar. dissertationum cap. 7, 8, 9. ^u Jul. pollux. lib. 1. Onomast. c. 8. ^x plin. lit. 2. c. 76.

cujuſ ſolare Horologium commemorat (y) Scriptura. Romæ indiſcreta lux diu fuit, donec Scipio Nasica Horologia introduxit anno Vrbis 595. ſi vera (z) Plinius refert. Ctesibium Alexandrinum Horologia hydraulicā mira ratione reperifſe narrant (a) Cicero & Vitruvius, itemque (b) Athenæus ex Aristocle libro de choris: uſum verò Clepsydrarum in Urbe Achanta trans Nilum incœpiffe docet (c) Pierius in Hieroglyphicis. Meminit Clepsydræ Plato in Theæteto, his verbis. Illi verò in occupatione ſemper dicunt, urget enim illos aqua fluens. Cum Apollonius (d) Thyanæus coram Domitiano cauſam dicturus eſſet, Quanta aqua, inquit Scriba, orationem tuam metieris? hoc enim ante cauſam dicendam ſcire me oportet. Cui Apollonius, Si quodcunque cauſa exigit, dicere me ſinas, non ipſe Tyberis ad metiendum ſufficiat. (e) Plinius junior cum cauſam cujusdam Proconsulis egiffet in Senatu; Dixi, inquit, horis penè quinque, nam decem clepsydris, quas ſpatiosiſſimas acceperam, ſunt additæ quatuor. Qualis autem fuerit antiquæ clepsydræ forma; eleganter (f) Petavius docet in notis ad Dionem Synesij. Eamdem ſic deſcribit (g) Apuleius. Præconis amplio boatu citatus accusator quidam ſenior exurgit, &c ad dicendi ſpatium vafculo quodam in vicem colli graciliter fistulato, ac per hoc guttatum deſluia infuſa aqua, populum ſic adorat. Sinenes ingentibus clepsydris ex aqua, vel cinere odorifero horis metiendis uſos, refert Matthæus (h) Riccius in historia Sinarum. Extat non inelegans (i) Symposii ænigma de clepsydra minus recte à quibusdam de ratione explicatum.

*Lex bona dicendi, lex ſum quoque dura tacendi,
Ius avidæ lingua, finis fine loquendi,
Ipſa fluens dum verba fluunt, ut lingua quiescat.*

y 4. Reg. 20. & Ifai. 39. z Plin. lib. 7 cap. 60. a Cic. 2. de natura deor. Vitruvius l. 9. c. 9. b Athen. lib. 4. c. 24. c Pier. hierog. lib. 6. cap. 4. d Philoſtr. de vita Apollenii lib. 8. cap. 1. e Plin lib. 2. ep. 11. f retav. pag. mihi 20. g Apul. initio lib. 3. h Riccius hiſt. Sinarum, lib. 1. i Sympos. num. 69.

Narrat (*k*) Saccus in Historia Ticinensi, Severinum Boëthium primum fuisse, qui Horologia libratis ponderibus Romæ componi curârit. (*l*) Cassiodorus libro primo variorum, duo Horologia mirabilis structuræ describit; unum, ait, in quo humana solertia videtur colligi, quod totius cœli noscitur spatia pervagari. Alterum ubi solis meatus sine sole cognoscitur, & aquis guttantibus horarum spatia terminantur. Alexis Poëta apud (*m*) Athenæum in quodam convivio patinam superbam adiectam dicit, quæ horas redoleret, & tempora; quæ scilicet cœli cursum, & signa ostenderet: quale apud Petronium Arbitrum Trimalcionis repositiorum describitur, quod habebat 12. signa Zodiaci in orbem disposita, & super illa convenientem materię cibum. Simile fuit tentorium, quod à Sultano Babyloniæ, Friderico secundo Imperatori dono datum refert (*n*) Spondanus, in quo Sol, & Luna cursum suum debitum spatiis observabant: & horæ diei, & noctis circa errorem indicabantur. Chromatius quoque Præfetus in (*o*) actis S. Sebastiani, Habeo, inquit, cubiculum ex toto vitreum, in quo omnis disciplina stellarum, ac mathesis mechanica est arte constructa; in quo mensium, & annorum cursus certo numero per horarum spatia distinguuntur, & lunaris globi plenitudo, vel diminutio digitorum motu, rationis ministerio, & calculi supputatione prævidentur. Iam multa fabricantur Horologia, non solum horas, solique motus, & siderum indicantia, sed quæ diversis librata ponderibus variis generis musica instrumenta sonantia, & multiplices exhibeant statuarum saltationes. Bernardinus Caravagius bove capitosior, oculis emissitiis, ore exorrecto, & lingua blæsus, si(*p*) Sacco Ticinensem Historico credimus, unum composuit in gratiam Andreæ Alciati, eo artificio, ut qua quisque statuisset hora, noctu ere sonant.

k Bernardin. Saccus hist. Ticin. lib. 7. *l* Cassiod. lib. 1. var. epist. 45. & 46.

m Athenæus lib. 2. cap. 18. *n* Spondanus, an. 1232. *o* Apud Bollandum 20. Jan. c. 16. Saccus hist. Ticin. lib. 1.

te expergisci posset, eademque opera lucernæ lumen accenderetur. Ignis enim scintilla ab inserto silice in subiectum sulphur excussa in flammam ibat, quæ repente ardoris sulphuris ministerio, & lychnorum continuatione lucernæ fila accendebat. Etiam in annuli gemma narrat (*q*) Cardanus, Horologium fabricatum fuisse, quod mola circumagebatur, & horas indicabat non solum sagitta, sed ictu. Olim Hebræi tubarum sonitu ad horas indicandas utebantur, ut scribit (*r*) Josephus. Idem nunc faciunt Turcæ clamore è turri subblato. Antiquiores monachi, teste (*s*, Cassiano, ex aspectu siderum nocturnæ synaxis horam explorabant. Quod etiam Cluniacenses observasse ex relatione de miraculis S. Hugonis colligitur, quæ habetur in Bibliotheca (*t*) Cluniacensi. Diurnarum verò precum horam ut dignoscerent, sole sereno aut proprii corporis, aut Gnomonis in Sciotherico Horologio umbrarum projectiones inspiciebant: cœlo autem nubilo Clepsydris veterum more utebantur, sicut tradit in divinis lectionibus (*u*) Cassiodorus. Porrò modum difficillimum noscendi horas ex quantitate Psalmodiæ ostendit (*x*) Petrus Damianus; Ut quandcumque, inquit, solis clartas, sive stellarum varietas nubium densitate non certinatur, in quantitate Psalmodiæ, quam tenuerit Monachus, quoddam sibi velut horologium metiatur. Horologi verò mechanici primum inventorem Silvestrum Secundum fuisse, ex Monacho Floriacensi Pontificem summum, tradunt (*y*) nonnulli, sed mala historiæ fiducia nam Persiae Regem dono missæ hujusmodi Horologium Carolo Magno Imperatori ducentis circiter annis ante Silvestrum, refert (*z*) Aimoinus de gestis Francorum. Verius videtur quod Polidorus Virgilius scribit, primum auctorem mechanici Horologi ignotum esse.

q Cardan. de subtilitate. *r* Joseph. de bello iud. lib. 5. cap. 9. *s* Cassian. lib. 2. c. 17. *t* Biblioth. Cluniac. pag. 448. *u* Cassiod. div. lec. cap. 30. *x* Pet. Damianus opus. 13. cap. 17. *y* Vincen. spec. hist. lib. 24. cap. 98. Arnold. Vyion. lignivitæ lib. 5. cap. 72. *z* Aimoin. l. 4. c. 95.

III. Apud Romanos servi erant, quorum munus esset horas dominis nunciare. (a) Martialis de hacre hi versus sunt:

Horas quinque puer nondum tibi nuntiat, & tu

Iam concuba mihi, Caciliane, venis.

Satyricus (b) quoque de hoc ritu sic canit,

Quem dicat venisse pner, quot nunciet horas.

Eamdem consuetudinem commemorant (c) Seneca, Marcus Varro, Suetonius, & alii. (d) Artemidorus Daldianus actiones, impetus & motus ab Horologio significari afferit. Homines enim omnia faciunt ad horas respiciendo. Semper autem melius existimat horas ante sextam, hoc est antemeridionales, numerare quam eas, quae post sextam sequuntur: quod etiam Hesiodus in fine dierum asseverat. Verus autem, & clarus dies Christus est, verè dies æternus, & sine nocte, ut ait (e) S. Zeno, cui duodecim horæ in Apostolis, duodecim menses serviunt in Prophetis, quem Evangeliorum salutaria quatuor tempora prædicant. Hic est dies, quem nullæ temerant nubes, nulla interpolat nox, dies fulgentissimus, qui nescit occasum. O splendor lucis æternæ, cuius claritas illuminat mundum, veni, & illumina animam meam splendoribus Sanctorum, ut in lumine tuo verum lumen videre possim, quod illuminat omnem hominem sedentem in tenebris, & umbra mortis. O quando veniam, & apparebo, Domine, ante faciem tuam! O quando videbo diem illum, diem jucunditatis & lætitie; diem quem tu fecisti, ut exultemus, & lætemur in eo! O præclarum diem illum, diem verum, diem æternum, diem votis omnibus expetendum! Caret horis, & tenebris dies ille, jugis in eo meridies est, quia claritas Dei irradiat il-

a Martial. lib. 8. b Iuven. sat. 10. c Senec. de brevit. vitæ cap. 10. Vatro 1. 5. de ling. Latina. Suet. in Domitiano. d Artemidor. de interpret. somniorum, lib. 3. c. 67. e Zeno serm. 1. de Pascha.

Ium. Atque utinam ad diem illum post tenebras hujus mundi perduci citius merear, tunc enim gaudens & exultans, non per temporum, & horarum momenta; sed sine intermissione cantabo tibi, qui me vocasti in admirabile lumen tuum.

METRUM VI.

Tempora præcipiti glomerantur concita cursu,
Et refluunt gyris noxque, diesque suis.
Atque ut bissenis finitur mensibus annus,
Sic totidem spatiis dividit hora diem.
Dividit hora diem, justis & partibus æquat,
Dum subeunt proprias cuncta creata vices.
Vda prius siccis signavit clepsydra soles,
Et secuit calidos frigida meta dies.
Scilicet impulsis agitatur solibus orbis
Et refluis annus præcipitatur aquis.
Tum cœpit tenues percurrere tempus arenas;
Omnia nam rabido frangere dente solet.
Mox quia sunt umbris humana simillima, gnomon
Innuit umbroso tramite lucis iter.
At nunc ad ferrum postquam migrasti ab aura
Secula, ferratis aufugit hora rotis.
Aufugit, & sese per ferrea puncta trucidans
Admonet ad duram nos properare necem.
O quicunque dies docuisti hac arte secari,
Scito: non omnes hæc monumenta juvant.
Nam cur tam lentum tempus remoratur amantes?
Aut cur dissimili mobilitate viget?
Flet quidam longo sua duci stamina filo,
Dum cupid aterni Regis amore frui.
Alter ait, faciem si quando cernit Amantis,
Cur mihi contractis præterit hora rotis?
Nempe licet motum mensuret temporis hora
Non tamen affectus queis agitatur amor.

*Credite : dilato cruciantur tempore amantes ;
Estque illis anno longior una dies.*

*O igitur quando fugitivi temporis expers ,
Lux mea , Christe Deus , te sine fine fruar ?
Illa dies tenebris , horisque ac fine carebit ,
Vnica si quando fulserit illa dies.*

§. III.

*Secunda divisio diei naturalis antiquo Romano-
rum more. Tertia divisio diei, & noctis artificia-
lis. Cur divisa dies in 12. horas. De horis æqua-
libus & inæqualibus. In vicissitudine diei, &
noctis relucet mirabiliter Dei providentia.*

I. **S**ecunda divisio diei plura noctis & diei tempora subnotat , propriisque discernit nominibus, quæ apud Poëtas , aliosque Scriptores passim observata inveniuntur. Ea omnia suo ordine (a) Macrobius , & Censorinus exponunt. Incipiunt autem à media nocte, quod tempus principium , & postremum est diei Romani. Tempus quod huic proximum est , vocatur de media nocte , sive mediæ noctis inclinatio. Sequitur Gallicinium , primus galli cantus post mediam noctem. Deinde Conticinium , cum & galli silent , & homines quiescunt. Tum primum diluculum , sive crepusculum matutinum , dici clarescentis exordium. Secundum diluculum vocatur mane , cum sol videtur , & dies jam clarus est. Sol post hoc ad meridiem vergit , facitque meridiem , quod est medii diei nomen. Inde tempus occiduum , sive pomeridianum , vel de meridie. Hinc suprema tempestas , novissimum diei tempus. Post supremam dicitur Vesper , ante ortum scilicet ejus stellæ , quam Plautus Vesperuginem , Ennius Vesperum , Virgilius Hesperon appellat. Inde porrò crepus-

a Mactob. lib. 1. Sat. cap. 3. b Censorin. de die natali cap. 10.